

LEHENENGO KAPITULUA

IZENA

1 artikulua.- Irabazi-asmorik gabeko **TXURINGO KULTUR-ELKARTEA**, izeneko elkarte osatu da, elkartzeko eskubidea arautzen duen martxoaren 22ko 1/2002 Lege Organikoen eta Eusko Legebiltzarrak onartutako ekainaren 22ko 7/2002 Euskadiko Elkarteen Legean ezarritakoen arabera eta Euskadiko Autonomia Estatutuaren 9 eta 10.13 artikuluetan azaltzen denarekin bat etorritz.

Aipatutako elkarteak honako araubidea izango du: Elkarteen legea, estatutu hauek berak (Legearen aurkakoak ez badira), bere Zuzendaritza Batzordeak behar bezala hartutako erabakiak (Legearen edota estatutuen aurkakoak ez badira) eta Eusko Jaurlaritzak xedatzen dituen arauak (azken hauek osagarri besterik ez dira izango).

ELKARTEAREN HELBURUAK

2 artikulua.- Elkarte honen helburuak honako hauek dira:

- 1.- Osintxu auzoak duen bizitza soziokulturala berpiztu, indartu, eta beharrezko dituen gutxieneko azpiegiturak sustatu, eta ekimenak bideratu.
- 2.- Osintxu auzoan euskarak duen presentzia handitu, eta erabilera sustatu.
- 3.- Osintxuko auzotarren arteko kohesio sozialean sakondu. Auzotarren arteko elkar ezagutzara, eta elkarrekintzara bideratutako ekimenak sustatu.


Xede horiek lortzeko jarduerak berriz ondorengoak izango dira:

- 1.- Kultur ekitaldiak antolatzea.
- 2.- Auzoaren, eta auzotarren, bizitza soziala artikulatzeko balioko luketen azpiegiturak sortzea eta kudeatzea.
- 3.- Integrazio sozialera bideratutako ekimenak sustatzea.

Aurreko idatz-zatian azaldutako jarduerak gorabehera, Elkarteak, bere xedeak betetzeko, honako hauek egin ahal izango ditu:

- 1.- Bere helburuak betetzeko edo horretarako baliabideak biltzeko era guztietako jarduera ekonomikoak gauzatzea.
- 2.- Era guztietako ondasunak eskuratu eta kudeatu, eta mota guztietako egintzak eta hitzarmenak egitea.

3.- Nolanahiko ekintzak burutzea, betiere legeekin eta bere estatutuekin bat etortzekotan.



SOZIETATE EGOITZA

3 artikulua.- Elkarte honen helbide nagusia Bergarako Osintxu Auzoa izango da.

Elkartek, horretaz gain, beste egoitzarik eduki dezake Autonomia Erkidegoan, Batzar Orokor Bereziak horrela erabakiz gero. Elkartearen egoitza nagusia edo elkartearen beste egoitzaren bat tokiz aldatzeko erabakia Zuzendaritza Batzordeak hartuko du, eta horrek Elkartearen Erregistroari helbide berria jakinaraziko dio.

4 artikulua.- Elkartea Osintxun eratzen da. Elkartearen eragite eremua Osintxu izango da. Kultur elkarte honen egoitza soziala, Osintxun kokatutako da, Txuringokua eraikinaren behebaruan.

IRAUPENA ETA DEMOKRAZIA-ARAUA

5 artikulua.- Elkartea betirako eratzen da. Ohiz kanpoko Batzar Orokor Bereziaren erabaki bidez baino ezingo da desegin, VI kapituluan esaten den bezala, edo legeetan jasotako arrazoiren batengatik.

Elkartearen funtzionamendua eta barne-antolamendua demokratikoak izan beharko dira, eta pluraltasuna erabat errespetatu beharko da. Erabat deusezak izango dira elkartzeko oinarrizko eskubidearen alderdietako edozein betetzen ez duten hitzarmenak, estatutu-xedapenak eta erabakiak.

BIGARREN KAPITULUA

ZUZENDARITZA ETA ADMINISTRAZIO ORGANOA

6 artikulua.- Kide anitzeko honako organo hauek izango dira Elkartearen Zuzendaritza eta administrazioaren arduradunak:

- Bazkideen Batzar Orokorra, organo goren gisa.
- Zuzendaritza Batzordea, kide anitzeko zuzendaritza-organoa iraunkorra.

BATZAR OROKORRA

7 artikulua.- Bazkide Orokorraren eskumenak:

- a) Elkartearen jarduerako plan orokorra onartzea.
- b) Urteko kontuak eta hurrengo urteko aurrekontua aztertu eta onartzea.
- c) Zuzendaritza Batzordearen kudeaketa onartzea.
- d) Zuzendaritza Batzordeko kideak hautatzea.
- e) Kuota arruntak nahiz aparteko kuotak ezartzea.
- f) Estatutuak aldatzea.
- g) Elkartea desegitea.
- h) Beste elkarte batzuekin batera federazioak eta konfederazioak osatzea, edota horietako batzuk uztea.
- i) Ondasunak xedatu edo besterentzea.
- j) Ordezkaritza organoetako kideen ordainsariak adostea, hala dagokionean.
- k) Beste sozietate-organoren bati esleitu gabeko beste edozein eskumen.

8 artikulua.- Batzar Orokorrak ohizko bilerak eta bilera bereziak egingo ditu.

9 artikulua.- Ohizko bilera egiteko deia gutxienez urtean behin egin beharko da, lehenengo hiruhilekoan izango da, 73 artikuluko a) b) eta c) letretan zehaztutako erabakiak hartze aldera.

10 artikulua.- Batzar Orokorra Zuzendaritza Batzordeak erabakitakoan bilduko da bilkura berezian, bere kabuz edota bazkideen % 25ek eskatuta. Bilkura eskatzeko arrazoiak eta helburuak azaldu beharko dituzte. Dena den, honako gaiak aztertze eta erabakitzeko egin beharko da:

- a) Estatutuak aldatzea.
- b) Elkartea desegitea.

11 artikulua.- Batzar Orokorrarako deialdiak idatziz egin behar dira, eta bilerak egingo diren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia egiten denetik lehenengo deialdiko batzarra egiteko jarritako egunera bitartean gutxienez hamabost egun izan beharko dira. Hala badagokio, bigarren deialdiaren data eta ordua adieraz daitezke; dena dela, deialdi batetik bestera gutxienez ordubeteko tartea utzi behar da.

Batzar Orokorrak, nahiz ohikoak nahiz ohizkanpokoak, lehenengo deialdian baietaz eratuta geratuko dira botoa emateko eskubidea duten

elkartekideen herena bertaratzen bada; eta bigarren deialdian, botoa emateko eskubidea duten elkartekideen kopurua edozein dela ere.

12 artikulua.- Batzar Orokorraren erabakiak bertaratuen nahiz ordezkatu^{en} gehiengo sinplez hartuko dira, baiezko botoak ezezkoak baino gehiago direnen. Hala ere, bertaratuen edo ordezkatu^{en} gehiengo kualifikatua (baiezko botoak baliozko botoen erdia baino gehiago badira) beharko dute elkartearen desegiteari, estatutuaren aldaketari, ondasunen antolamenduari edo besterentzeari eta ordezkari-organoko kideen ordainketei buruzko erabakiek.

13 artikulua.- Bazkideek beste edozein bazkideren gain utzi dezakete beraien ordezkotza Batzar Orokorretan parte hartzeko. Ordezkotza hori, idatziz egin beharko da, eta Batzarreko idazkariari eman bilera baino ordu bat lehenago. Elkaratearen egoitza dagoen herrian bizi ez diren bazkideek ordezkotza beste baten esku uzteko adierazten duen agiria postaz bidali dezakete.

ZUZENDARITZA BATZORDEA

14 artikulua.- Zuzendaritza Batzordea elkaratearen interesak kudeatu eta ordezkatu^{en} dituen organoa da, Batzar Orokorraren xedapen eta ardetarauei jarraikiz. Elkartekideek baino ezingo dute osatu ordezkari-organoa.

Zuzendaritza Batzordea honako hauek osatuko dute:

- Presidente
- Presidenteorde
- Idazkaria
- Diruzaina

Gutxienez hilean behin bildu beharko dute, eta elkaratearen ekintzak bideratzeko beharrezkoa den hainbat alditan.

15 artikulua.- Zuzendaritza Batzordeko kideren bat bilera horietara 4 aldiz jarraian, edo aldizka, 3 aldiz ez bada joaten, dagokion kargua utzi egin beharko du, hutsegite horiek ez baditu arrazoitzen.

16 artikulua.- Batzar Orokorrak hautatuko ditu Zuzendaritza Batzordeko kargudunak, eta 2 urterako izango dira Batzordeak berariaz ezeztatu ezean, eta behin eta berriro hautatu ahal izango dira.

Kargu horiek batera berrituko dira.

17 artikulua.- Zuzendaritza Batzordekide izateko, honako baldintza hauek bete beharko dira:

- a) Adinduna izatea, eskubide zibil guztien jabe izatea, eta indarrean den legedian ezarritako bateraezintasun-arrazoirik ez izatea.
- b) Estatutuetan esaten den eran izendatua izatea.
- c) Elkarteko bazkide izatea.

18 artikulua.- Zuzendaritza Batzordekide kargua, Batzar Orokorrak izendatu ostean, onartutakoan edo jabetzerakoan hartuko da.

Dena den, Batzar Orokorrak egun-sariak eta gastuak ordaintzea erabaki dezake.

19 artikulua.- Zuzendaritza batzordeko kideek honako kasu hauetan utziko dituzte karguak:

- a) Agintealdia bukatzen denean.
- b) Dimititzen dutenean.
- c) Bazkide izateari uzten dionean, edo kargurako ezintasun-arrazoiak dituenean.
- d) Batzar Orokorrak kargugabetzea erabakiz gero, estatutu hauetako 16. artikuluan jarritakoaren arabera.
- e) Heriotza.


"a)" puntuari agertzen dena baldin bada kargua uzteko arrazoia, Zuzendaritza Batzordeko kideek jarduneko egoeran jarraitu beharko dute lehenengo Batzar Orokorra egin arte. Batzar horrek aukeratuko ditu kargudun berriak.

b), c), d) eta e) puntuetan agertzen dena baldin bada arrazoia, Zuzendaritza Batzordeak berak hutsik gelditutako kargua betetzeko norbait behin-behingo izendatuko du eta Batzar Orokorrak erabakiko du izendapena onetsi ala ezestea. Ezezten bada, dagokion izendapena egingo da.

Batzorde honen osaeran gertatutako aldaketa guztien berri emango zaio Elkarteen Erregistroari.

20 artikulua.- Honako hauek dira Zuzendaritza Batzordearen funtzioak:

- a) Elkartearen ohiko kudeaketaz arduratzea, Batzar Orokorraren jarraibideen arabera eta haren kontrolpean.
- b) Elkarateak aurrera eramango dituen ekintzen egitaraua egitea.
- c) Gastu eta sarreraren urteko aurrekontua eta aurreko urteko egoera-orria Batzar Orokorrari, onar ditzan, aurkeztea.
- d) Batzar Orokorraren bileretako aztergai-zerrenda egitea, eta Batzar Orokor berezi zein ohikoen deialdiak erabakitzea.
- e) Bazkideek egiten dituzten proposamen eta iradokizunei erantzutea eta dagozkien neurriak hartzea.
- f) Estatu hauetan jasotzen diren aginduak interpretatzea eta haietako hutsuneak betetzea, betiere elkarten inguruan indarrean diren legeei jarraikiz.
- g) Batzar Orokorrak berariazko erabaki bidez ematen dizkion eskumenak gauzatzea, betiere ez badira bere eskumen eskusibokoak.



21 artikulua.- Zuzendaritza Batzordeak, presidenteak eta, hala badagokio, presidenteordeak erabakitako bakoitzean egingo ditu bilerak, euren kabuz nahiz batzordekideren batek eskatuta. Bileraren buru presidentea izango da, edo, bertan ez balego, presidenteordea. Biak falta badira, berriz batzordekide zaharrena.

Batzordeak hartutako erabakiak baliozkoak izateko, biltzen diren batzordekideen gehiengoak onartu beharko ditu. Horretarako, gutxienez batzordekideen kopuruaren erdiak egon beharko du Batzarrean.

Idazkariak bilera-aktak egingo ditu. Agiri horiek dagokien liburuan jasoko dira idatziz.

PERTSONA BAKARREKO ORGANOA

PRESIDENTEA

22 artikulua.- Presidenteak elkartearen legezko ordezkari-tza hartzen du. Zuzendaritza Batzordeak eta Batzar Orokorrak hartutako erabakiak aurrera eramango ditu. Era berean, aipaturiko bi sail horien presidentea izango da.

23 artikulua.- Presidenteari egokituko zaizkio hurrengo ahalmenak:

- a) Zuzendaritza Batzordeak eta Batzar Orokorrak egiten dituzten bileren deiak egitea; bilerak bukatutzat ematea; bileretan sortzen diren

eztabaidak zuzentzea; eta boto-berdinketa gertatuz gero, boto ebazleaz erabakitzea.

- b) Elkartearen ekintzen egitasmoa Zuzendaritza Batzordeari proposatzea, eta aldi berean, elkartearen zereginak bultzatu eta zuzentzea.
- c) Balioz erabakitako ordainketak egiteko agintzea.
- d) Sortu daitezkeen premiazko arazoak konpontzea, eta Zuzendaritza Batzordeari lehenengo bilkuran horien berri ematea.
- e) Batzar Orokorrak berariazko erabaki bidez ematen dizkion eskumenak gauzatzea, betiere ez badira horien eskumen eskusibokoak.

PRESIDENTEORDEA

24 artikulua.- Presidenteordeak presidenteari lagunduko dio, eta, presidenteak aldi baterako ezintasuna daukanean, ordezkatu egingo du. Era berean, presidenteak berariaz emandako ahalmen guztiak izango ditu.

IDAZKARIA

25 artikulua.- Idazkariari dagokio, zehazki, elkartean sartzeko eskabideak hartu eta bideratzea, fitxategia eta Bazkideen Erregistro Liburua zaintzea, eta Akta liburuaren zaintzaren eta idazketaren ardura izatea.

Era berean, elkarteen arloan indarrean dauden legezko erabakiak bete daitezen arduratuko da, Erakundearen agiri ofizialak zainduz, elkarteko liburuaren eta agirien edukia egiaztatuz eta Zuzendaritza Batzordearen hautaketari eta elkartearen egoitza aldatzeari buruzko beharrezko jakinerazpenak dagokion agintaritzarengana bideratuz.

DIRUZAINA

26 artikulua.- Egindako sarrera eta ordainketen berri emango du diruzainak, eta diru-sarrera eta gastuen urteroko aurrekontua eta aurreko urteko kontuen egoera ere jakinaraziko du. Guzti horiek Zuzendaritza Batzordearekin aurrean aurkeztu behar dira, eta honek Batzar Orokorriari, onartu ditzan.

HIRUGARREN KAPITULUA

BAZKIDEAK: ONARPEN BIDEAK, BALDINTZAK ETA MAILAK

27 artikulua. Elkartekide izan nahi eta honako baldintza hauek betetzen dituzten guztiak izan daitezke Elkarteko bazkide:

- Adin nagusia edo emantzipatua izatea, eta jarduteko gaitasuna eduki.


28 artikulua. Elkartean sartu nahi duenak idatziz aurkeztu beharko du bere eskabidea. Idatzi hori bi bazkidek izenpetuko dute eta presidenteari zuzenduko zaio. Presidenteak horren berri Zuzendaritza Batzordeari emango dio, eta horrek erabakiko du eskabidea egin duena elkartean onartu ala ez. Dena den, gorako errekurtsua jarri ahal izango da Batzar Orokorraren aurrean.

29 artikulua. Batzar Orokorraren erabakiz, elkarteak Ohorezko Bazkide izendatu ahal izango ditu bazkide izateko baldintza guztiak bete arren elkartearen helburua betetzeko bertaratu ezin diren pertsonak. Bazkide horiek ohorezkoak dira soilik, eta beraz, ez dira legezko bazkide, ez dute elkarteko zuzendaritza eta administrazioko gobernu-organoetan parte hartzeko eskubiderik, ez eta inongo betebeharririk ere.


BAZKIDEEN ESKUBIDEAK ETA BETEBEHARRAK

30 artikulua. Elkartekide guztiak honako eskubide hauek dituzte:

- 1) Elkarteen buruzko Legearen edo estatutuen kontrako erabaki eta jarduteak inpugnatzea, aurkitutako erabakiaren edukia ezagutu edo ezagutzeko aukera izan duen egunetik hasi eta 40 egun naturaleko epean.
- 2) Elkartearen gobernu- eta ordezkaritza-organoen osaerari, elkartearen kontu-egoerari eta haren jardueri buruzko informazioa jasotzea.
- 3) Elkarteko beste bazkideen nortasuna, diru-sarrera eta gastu-kontuen egoera, eta elkartearen ekintzen garapenaren berri uneoro jakitea.
- 4) Batzar orokorretan hitz egiteko eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
- 5) Elkarteko estatutu hauen arabera, elkarteko zuzendaritza-organoetan parte hartzea eta organo horietarako hautagai nahiz hautesle izatekoa.
- 6) Indarrean diren legeetan zehaztutako bazkide-zerrendan agertzea, eta elkartearen ikurra, baldin badu behintzat, erabiltzea.
- 7) Estatutuen eta, egonez gero, barne-araudiaren ale bana edukitzea, eta zuzendaritza-organoei eskakizunak eta kexak aurkeztea.
- 8) Elkartearen talde-ekintzetan parte hartzea, eta bazkideen erabilerako gauzak erabiltzea (liburutegiak, elkartearen egoitza, eta abar). Zuzendaritza Batzordeak, kasuan kasu, erabakitako moduan.



- 9) Zigortze-neurriak hartu baino lehen, bazkideak idatziz adierazitakoa kontutan hartzea eta neurri horiek hartzera eragin duten arrazoiei buruz azalpenak jasotzea. Neurri horiek hartzeko arrazoiak bazkideei dagozkien betebeharrak ez betetzean oinarritu daitezke soilik.



31. artikulua.- Bazkideen betebeharrak honako hauek dira:

- a) Elkartearen helburuak gauzatzeko lankidetzak aktiboa ematea.
- b) Batzar Orokorrek ezarritako bazkide-sariak, derramak eta bestelako ekarpenak ordaintzea, gastuak ordaintzeko.
- c) Estatutu hauek eta elkartearen zuzendaritza-organoen balioz hartutako erabakiak bete era horiei men egitea.

ZIGOR-ARAUAK

32 artikulua.- Estatutuak edo Batzar Orokorrek nahiz Zuzendaritza Batzordeak hartutako erabakiak behin eta berriz hausteagatik Zuzendaritza Batzordeak bazkideak zigortu ahal izango ditu.

15 egunetik hilabetea bitarte eskubideak kentzetik elkartetik betirako egozterainokoa izan daiteke zigorra, betiere 34. artikulutik eta 37.a bitartekoetan jasotakoaren arabera.

Ondorio horietarako, presidenteak zigorgarri izan daitezkeen jokabideak aztertzeko ikerketa egiteko erabakia hartu ahal izango du. Ikerketa horiek Idazkaritzak eramango ditu aurrera, eta Zuzendaritza Batzordeari neurri egokiak hartzeko proposatuko dio. Zigorra ezartzeko ahalmena Zuzendaritza Batzordeak izango du, eta zigorra ezarri aurretik interesatuak adierazitakoa kontutan hartu beharko da.

Erabaki horren arrazoiak emango dira beti, eta haren aurkako errekurtsioa jarri ahal izango da Batzar Orokorren aurrean, 30.1 artikuluan zehaztutako ekintzen kalterik gabe.

BAZKIDETZA GALTZEA

33 artikulua.- Bazkidetza honako kasu hauetan galduko da:

1. Heriotza.
2. Bazkidea nahita aldentzea.

3. Zuzendaritza Batzordeak erabakitako zigorra dela eta, honako kasu hauetan:

- Estatutuotarik eratorritako betebeharrak eta Batzar Orokorrak eta Zuzendaritza Batzordeak balioz hartutako erabakietan ezarritako betebeharrak nahita eta larriki haustea behin eta berriro.

34 artikulua.- Bazkideren bat 33.3 artikuluan zehaztutako kasuetako edozeinetan bada, presidenteak agindu diezaioke idazkariari, gertaeren berri izatearren, aurretiazko eginbide batzuk egin ditzan. Eginbide horiek ikusita, presidenteak ekintza bertan behera uztea edo edota zigor-espicienteari hasiera ematea erabaki dezake.

35 artikulua.- 33.3 artikuluan zehaztutako kasuetako edozeinengatik zigor-espidentea lasten bada, idazkariak, egintzak egiaztatu ondoren, idatzi bat bidaliko dio dagokionari, leporatzen zaizkion salaketen berri emateko. Salaketa horiei erantzuteko, bere aldeko arrazoiak azaldu ahal izango ditu 15 eguneko epean. Epe hori amaituta, edonola ere, Zuzendaritza Batzordeko lehenengo bilkurara eramango da kasua, eta bertan hartuko da erabaki egokia. Horretarako batzarkideetatik 2/3-ko quoruma behar izango da.

Elkartetik kanporatzeko erabakia interesatuari jakinaraziko zaio eta, era berean, hurrengo Batzar Orokor Berezian errekurtsioa aurkez dezakeela azalduko zaio. Batzar horretarako deirik ez bada egiten hiru hilabeteren barruan, errekurtsio hori nahikoa izango da batzarra egiteko. Bien bitartean, Zuzendaritza Batzordeak dagokionari bazkide-eskubideak kentzea erabaki ahal izango du; era Zuzendaritza Batzordeko kide bada, kargu hori utzarazi beharko dio.

Kanporatzeko espidentea Batzar Orokorrari aurkeztuz gero, idazkariak espidenteari laburpena egingo du, Zuzendaritza Batzordeak interesatuak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagokion erabakia har dezan.

36 artikulua.- Kanporatze-erabakia -betiere arrazoiak emanda-, dagokionari jakinaraziko zaio eta horrek, eskubideaz baliatuz, auzitegietara jo ahal izango du; bere ustez, erabakia legearen edo estatutuen aurkakoa dela jotzen bada.

37 artikulua.- Bazkide bati kanporaketaren berri ematerakoan -berak nahi izanda edo zigorra ezarri zaiolako- bete gabe dituen betebeharrak betetzeko eskatuko zaio, hala badagokio.

LAUGARREN KAPITULUA

SORTZE-ONDAREA ETA AURREKONTU-ARAUAK

38 artikulua.- Elkartearen sortze-ondararik ez izatea.

39 artikulua.- Elkartek, bere ekintzak aurrera eramateko, honako diru-baliabide hauek aurreikusten ditu:

- a) Batzar Orokorrak ezarritako sarrera-kuotak.
- b) Batzar Orokorrak erabakitako aldizkako kuotak.
- c) Elkartek dauzkan ondasun eta eskubideetatik ateratzen dituen ekoizpenak. Baita legez jaso ditzakeen diru-laguntzak, ondareak eta dohaintzak ere.
- d) Estatutuen helburuak kontutan harturik, Zuzendaritza Batzordeak erabakitako ekintza bidezkoek dakartzaten irabaziak, betiere estatutu hauetan jasotako helburuen esparruan.

Elkarte eta ekonomia-ekitaldia urtekoa izango da, eta urte bakoitzeko abenduaren 31n itxiko da.

Elkartek, jarduera ekonomikoak (zerbitzuak ematea barne) gauzatu lortzen dituen irabaziak haren helburuak betetzeko baino ez dira erabili behar. Inola era ezingo dira elkartekideen artean banatu, ez eta haien ezkontideekin edota haiekin antzeko afektibitate-erlazioan bizi diren pertsonekin ere, ez eta haien senideekin ere. Ezingo zaizkio, halaber, mozkina irabazteko asmoa duten pertsona juridiko edo fisikoei doan laga.

BOSGARREN KAPITULUA

ESTATUTUEN ALDAKETA

40 artikulua.- Estatutuen aldaketa bazkideen Batzar Orokorrean erabaki behar da, bai bere ekimenez, bai bazkideen 2/5-k eskatuta; Batzar Orokorrak xede horrekin deitua izan behar du. Dena den, bi kasuetan Zuzendaritza Batzordeak hiru bazkidek osatuko batzorde-txostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta Batzorde berak jarriko du egitasmoa amaitzeko epea.

41 artikulua.- Aldaketa-egitasmoa epe barruan idatzi eta gero, presidenteak hurrengo Zuzendaritza Batzordearen aztergai-zerrendan sartuko du. Batzorde horrek egitasmoa onartu, edo, berriz ere, lantaldeari itzuliko dio, atzera ere aztertzeko.

Egitasmoa onartuz gero, Zuzendaritza Batzordeak hurrengo Batzar Orokorraren aztergai-zerrendan sartzea erabakiko du, edo horretarako propio egingo du Batzar Orokorrerako deia.

42 artikulua.- Batzarrerako deiarekin batera, estatutuen aldaketen testua bidaliko da, bazkideek egoki iruditzen zaizkien zuzenketak Idazkaritzan aurkeztu ahal izateko. Zuzenketa-proposamenen hori Batzar Orokorrari emango zaio, betiere batzarra egin baino zortzi egun lehenago Idazkaritzan jaso badira.

Zuzenketak banaka nahiz taldeka egin daitezke. Idatziz egin beharko dira, eta beste testu-aukera bat izan beharko dute. Zuzenketak bozkatu ostean, Batzar Orokorrak estatutuak aldatzeko erabakia hartuko du, eta Elkartearen Erregistroan sartzen denetik aurrera baino ez du eragina izango hirugarrenengan.

SEIGARREN KAPITULUA

ELKARTEA DESEGITEA ETA ELKARTE-ONDAREAREN ZERTARAKOA

43 artikulua.- Elkarte desegingo da honako arrazoiengatik:

1. Bazkideek nahi dutelako. Nahi hori horretarako bildutako Batzar Orokorrean azaldu beharko da, eta bertan daudenen gehiengoaren botoak jaso beharko ditu.
2. Kode Zibileko 39. kapituluan azaltzen diren arrazoiengatik.
3. Epai judizial bidez.

44 artikulua.- Elkarte deseginez gero, erabakia hartu duen Batzar Orokorrak Kitapen-Batzordea izendatuko du. Batzorde hori Zuzendaritzako 4 batzordekideek osatuko dute eta dagoen diruaz arduratuko da.

Bazkideekiko eta besterekiko elkartearen zorrak ordaindu ondoren, geratzen den elkarte-ondarea, geratzen bada behintzat, honako hauei


emango zaie: Osintxu Auzoko Bizilagunak, irabasi-asmorik gabeko jarduerak egiteko.

XEDAPEN IRAGANKORRA

Eratze-agirian behin behinekoz izendatuak agertzen diren Zuzendaritza Batzordeko kideek egin den lehenengo Batzar Orokorraren esanetara jarri beharko dute beren izendapena.

AZKEN XEDAPENA

Estatutu hauek garatzeko asmoz, Batzar Orokorrek barne-araudia onartu ahal izango du. Horrek inolaz ere ez ditu estatutuetakoa aginduak aldatuko.



estatutuak ikustari ondoan, elkarrean erabide Nagusia sortarazten duen Eusko Jaurlaritzaren, Martxoaren 77/1986 Dekretuan eta horietatik ondorioztatzen diren manusten erabazteko ondoan.

Visados los presentes estatutos, a los efectos determinados en el Decreto 77/1986, de 25 de Marzo, de Gobierno Vasco, por el que se crea el Registro General de Asociaciones y demás normativa concordante

Doutzian (en)
AS/G/13.7.6.7/2008

- 2 ABR 2008

En a

ERROLDEKO ARDURADUNA

EL ENCARGADO DEL REGISTRO

